

10 chanzuns prontas per il grond final

Sonda saira, ils 5 da december 2009 ha lieu a Lugano il final da «La chanzun rumantscha»

■ (cp) La Svizra Rumantscha a la tschertga da sia melodia. In'aventura ch'è vegnida lantschada mez october passà, cumenzond sin las undas dal Radio Rumantsch. Igl è stà il pievel ch'ha tscherni sias favoritas, or dad in'avnaun da passa novanta chanzuns.

Ussa van las 10 chanzuns nominadas en il final, a sa batter sin il palc da la Televisiun da la Svizra taliana a Lugano. Questa giada vai definitiv per il titel «La chanzun rumantscha». E puspè duain aspectaturs ed aspectaturas tschiffar il telefon e vuschar per lur melodia favorita, smatgond las cifras respectivas (guarda glista agiuntada).

Las 10 chanzuns finalistas represententan la gronda diversità da la musica rumantscha. «Il clom dalla Greina» dal duo sursilvan Alexi e Marcus regorda als cumbats engaschads da la generaziun chantautura. La scena da rock trametta cun ils Diabolic da Müstair («Jau ta n'ha jent») ed ils Ba-Rock da Mustér («Spetga, neu») duas gruppas straordinarias – la segunda s'è reunifitgada aposta per l'ocasiun. Ils rappunzs da las Liricas Analas avran cun lur «Siemis» ina fanestra actuala.

Ils Furbaz laschan reviver lur nunemblidabla chanson «Da cumpignia», entant che l'Alpina Quintett da Scuol celebrescha cun tuns da buna luna ils «Utschels da la not». La chanzun populara è preschenta cun il sempververd «Sch'eu füss 'na randulina», interpretà a l'ocasiun dals Trubadurs Peder e Flurin. Per las chanzuns da chors va sin tribuna l'ensemble Cantus Firmus Surselva, el vegen ad intunar «La sera sper il



Isabella Wieland (RTR) ed Alain Melchionda (RSI) modereschon il final

FOTOS MAD

lag» da Gion Balzer Casanova, «Surses» da Curo Mani e, sco ulteriur sempververd, il famus «Dorma bain» da Nuot Vonmoos.

La sairada televisiva talian-rumantscha, moderada dad Isabella Wieland (RTR) ed Alain Melchionda (RSI), ha pront anc inquala surpraisa da culturella ed umor. Il cabarettist Flurin Caviezel ha visità in pèr chaus prominents da la Svizra Rumantscha che mussan lur atgnas versiuns da las chanzuns nomi-

nadas. Preschientscha prominenta empermetta ultra da quai la premiera dal Chor dal Cussegl Grond dal Chantun Grischun, che figurescha sco giast spezial. La culminaziun da l'emissiun vegn ad esser l'annunzia da la chanzun victura, da «La chanzun rumantscha» apunta, e la surdada da la trofea al cumpo-nist respectiv. I sa tracta dad ina miniatutura dal «Transformatur», l'ovra d'art da Michel Pfister ch'ornescha la curt da la Chasa da medias a Cuira.

Il final da la Chanzun Rumantscha vegn emess live a la televisiun, sonda saira ils 5 da december a las 20.40 sin RSI LA 1 (repetiziun dumengia ils 6 da december a las 13.55 sin RSI LA 2). Igl è l'emprima giada che la Radiotelevisione svizera porscha ses meglier temp d'emissiun per ina producziun da la RTR – ina collavuraziun fritgaivla tranter minoritads svizras. Ed in highlight per la musica e cultura rumantscha.

Las chanzuns nominadas ed ils numers da telefon

01 Il clom dalla Greina	0901 59 16 01
02 Siemis	0901 59 16 02
03 Dorma bain	0901 59 16 03
04 Utschels da la not	0901 59 16 04
05 Spetga, neu	0901 59 16 05
06 La sera sper il lag	0901 59 16 06
07 Jau ta n'ha jent	0901 59 16 07
08 Sch'eu füss 'na randulina	0901 59 16 08
09 Surses	0901 59 16 09
10 Da cumpignia	0901 59 16 10

Il televoting (80 raps per clom) vala a partir dal cumenzament da l'emissiun e cuzza enfin sruenter la preschentaaziun da la davosa chanzun. La via legala è esclusa.

L'emprim chanal LA 1 da la Radiotelevisione svizera pon ins retschaiver en il Grischun via satellit, cabel, DVB-T, IPTV u televisiun sur internet. Ulteriuras infurmaziuns chat-tais Vus sut www.broadcast.ch u via 0848 88 44 22.

Dapli infurmaziuns er sin: www.rtr.ch